

Յունաց փոխեցաւ 'ի տրտմութիւն : Եւ յեկանել նոր դատաւորին 'ի Յովպէ՝ պատմեալ էր թէ խափանեցաւ հրովարտակն Յունաց և աքսորեցաւ Պատրիարքն և բանտարկեցան անձինք երեւելիք 8 յազգէ նոցին : Իսկ 'ի վերջ կոյս Յունիս ամսոյ՝ զայրացեալ միաբանացն Յունաց ընդ յապաղումն գործոյն, և 'ի պատ 'ի պատ բանս այլազգեաց՝ և գրգռեալ զխուժանն առհասարակ՝ յարուցին աղմուկ մեծ, որք և աղաղակէին դնել զինչս և զստացուածս և զկեանս իսկ զլսովին, կամ իսպառ ջնջիլ 'ի քաղաքէն և կամ նորոգել զտաճարն : Եւ ինքեանք առանց խնայելոյ սկսան յաճախել 'ի տուրս, որով ձգեցին 'ի կողմն իւրեանց զմեծ մասն այլազգեաց . և իջեալ 'ի դատարան ետուն ընթեռնուլ զհրովարտակն, յորում հրամայէր Արքայ Յունաց շինել զրովանդակ տաճարն, եւ մի ումեք այլոց ազգաց լինել ձեռնամուխ յայն գործ, և յետ այնորիկ շնորհիւ Յունաց՝ ստանալ Հայոց և Լատինաց մէն մի պատարագամատոյց սեղանս : Եւ ապա մատուցին զայլ հրովարտակ (Խաթթի Շէրիֆ) յորում հրամայէր Արքայ գրաւել Յունաց զբովանդակ Ս. Տեղիս, և զվանորայս Հայոց՝ զՍուրբ Յակոբ, այլովքն հանդերձ . զորութիւնք հրովարտակաց, առատութիւն գանձուց զօրացոյց զկամս դատաւորաց, և Յոյնք 'ի խորհուրդ մտին ընդ նոսա, թէ յո՞ր խնդիր արժան իցէ նախ ձեռնարկել, արտաքսել զՀայս և գրաւել զվանորայս նոցա՝ թէ 'ի շինութիւն տաճարին, այլ քաջ խորհուրդ այլազգեաց պատրուակ էարկ 'ի միտս Յունաց . նախ ձեռն արկանել 'ի շինութիւն տաճարին, առ 'ի նուաճել զԼատինս, որ հզօրագոյն են քան զինքեանս, և ապա գիւրին է նկուն առնել զՀայս : Իսկ ոմանք որ 'ի կողմն Յունաց էին՝ ստիպէին խուռն բաղմութեամբ երթալ 'ի տաճարն և քննել զտեղիս իւրաքանչիւրոց՝ և տալ հրաման շինութեան Յունաց, Սակայն Հայք և Լատինք՝ նախ քան զվրդովիլ Յունաց՝ ձգեալ էին 'ի կողմն իւրեանց զօմանս յերեւելեացն այլազգեաց, եւ մտերմացեալ ընդ նոսա . Արքա բանս եղին յականջս ռամկին եւ գրդեալ գնոսա յարուցին աղմուկ մեծ, որք էին իբրեւ անձինք 1000, և դիմեալ առ դատաւորն աղաղակէին, եթէ ոչ միասցին երեք ազգք 'ի մի կամս և 'ի մի խորհուրդ՝ չէ